



Inatsisartunut ilaasortaq Hans Enoksen, Siumut

Mellembølgeradio pillugu § 37-kkut apeqqummut akissut

Asasara Hans Enoksen

KNR radio-p mellembølgekkut tusaaneqarsinnaanissaa pillugu apeqqummut
qujanarujussuaq, imatut oqaasertalimmut:

**Mellembølge-kkut nunatta sineriaani KNR-ip radioata
tusarnaarneqarsinnaanngoqqinnissaa pillugu Naalakkersuisut qanoq
iliuuseqarniarpat?**

27-05-2013
Sags nr. 2013-083660
Dok. nr. 1215243

Postboks 1160
Tlf: 34 50 00
Fax: 34 55 05
3900 Nuuk
Email: pan@nanoq.gl
www.nanoq.gl

Pinngortitami radiokkut naalaarsinnaaneq innuttaasunit annertuumik kissaataasoq
Naalakkersuisut ilisimavaat, taamaammallu kissaatip tamatuma
piviusunngorsinnaanissaa paasiniaaviginialerlugu.

Ilisimaneqartutut digitalimik TV-kkut nassitsissutit atuutilersinneqarnerinut atatillugu,
mellembølgekkut nassitsissutit atorunnaarnissaat Naalakkersuisuusimasunit
aalajangerneqarpoq. Mellembølgeradiokkut aallakaatitanik
tusarnaarsinnaanngoqqinnissaaq, nassitsissutinik nutaanik pisinissamut annertuunik
aningaasaliisoqarnissaanik nassataqassaaq, taamatullu ingerlaavartumik
ingerlatsinermut aningaasanik immikkoortitsisoqarnissaa pisariaqarpoq.

Mellembølgekkut nassitsissutinut atorunnaartunut taartissamik pissarsisinaanissamut
periarfissanik nassuiaat, Inatsisartut 2012-imi ukiakkut ataatsimiinneranni
agguaanneqarpoq. Nassuiaammi missiliorneqarpoq, mellembølgeradiop
atulerseqqinneqarnissaanut pilersitsinermut aningaasartuutit 18.375.000 koruunit
pallillugit pisariaqartinneqassasut. Tassunga ilaapput ukiumut 3.565.000 koruunit
ingerlaavartumik ingerlatsinermut aningaasarutuutit.

Aningaasaliineq taama annertussusilik aningaasaliiffigisassatut kissaatigineqartunut
allanut sanilliunneqartariaqarmat, mellembølge atorlugu nassitsissutitaarnissaaq
aningaasanut inatsimmi pingaarnersiulluni tullerriaaraluni aalajangersaanissami,
Naalakkersuisut isumaliutersuutaannut ilaavoq.

Imarsiornermi isumannaallisaaneq

Taamaattorli isumannaallisaanerup tungaanit isigissagaanni pingaaruteqarpoq erseqqissasallugu, mellembølgekkut nassitsissutit atorunnaarsinneqarneranni, immakkut ajunaalernermi isumannaallisaanermilu sullissineq, sinerissami radioqarfinni mellembølgekkut sullissinerup immikkut sullississummik toqqammaveqarneragut eqqorneqannginnera. KNR-radiokkut mellembølge atorlugu aallakaatitsisoqarunnaarmat, VHF-atorlugu nassitsisinnaanikkut ulloq unnuarlu sisamariarluni silassap aallakaatinneqartarnissaa aalajangiunneqarpoq.

Qulaani nassuiaat Nunatsinni mellembølgeradiomik naalaarsinnaaneq pillugu apequtinnut akissutissiisoq neriutigaara.

Inussiarnersumik inuulluaqqusillunga

Steen Lynge